



UNIVERSITÄTS-  
BIBLIOTHEK  
PADERBORN

# **Conceptvs Chronographicvs De Concepta Sacra Deipara**

**Zoller, Joseph**

**Augustæ, Anno 1712**

XXXII. Transeamus ad stationem incircumcisorum horum, si fortè faciat Dominus pro nobis; quia non est Domino difficile, salvare vel in multis, vel in paucis. 1. Reg. c. 14. v. 6.

---

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)




§. 7. *Anagramma.*

217. Mira, ILLibata, gaVDe, sIne  
Labe orIGInaLI!

*Mira tota! en gaude, sine impurâ maculâ!*

Versio litteralis.

*Ave Maria, gratiâ plena, Dominus tecum.*



De Conceptâ Sacrà Deiparâ.

CONCEPTUS XXXII.

§. I. *Scriptura.*

218. Per AscensVs petrarVM, In  
DEO Conflsa.

1. Reg. c. 14. v. 6. *Transseamus ad stationem incircumcisorum horum, si fortè faciat Dominus pro nobis, quia non est Domino difficile, salvare vel in multis, vel in paucis.*

**T**Ransiturus audacter, per arduos petrarum ascensus, ad stationem Philisthinorum Jonathas, eorumque castra solus, & unicus ausu generosissimo aggressurus, sic suum Armigerum est allocutus: *Veni, transeamus ad stationem incircumcisorum horum, si fortè faciat Dominus pro nobis, quia non est Domino difficile, salvare vel in multis, vel in paucis.* Et sanè secundavit Heroinos Juvenilis ardoris ausus Numen; Vix enim petrosos ascensus, indefesso conamine, cum dicto suo armigero, Jonathas superârat, viginti confestim Philisthæos ad internecionem percutiens, tanti in castris Philisthinorum exorti tumultûs causâ fuit, ut DEO, in quem firmissimè speraverat, adiutorium præbente, mox versis miraculosè uniuscujusque ad proximum suum gladijs, cædes hostium secuta fuerit magna nimis. Sic nimirum de Victoriâ securus, ad certamen progreditur, qui in Domino spem suam collocans, hostes persequitur. Hæc spes non fefellit Jonatham, dicentem: *Si fortè faciat Dominus pro nobis, quia non est Domino difficile, &c.*

Sed multò minùs fallere poterat concepta spes MARIAM Conceptam,

quæ in primo statim Conceptionis instanti sibi applicare poterat illud Psal-

mistæ: *Quoniam tu Domine singulariter in* Psal. 4. v. 9.

*Spe constituisti me.* Per ascensus nimirum Petrarum, Filium scilicet ex ipsâ nasciturum, quem Paulus Petram intitulat, dicens: *Petra autem erat Christus,* in DEO penitus confisa, hostem

1. Co. rinth. 10. v. 1.

humani generis infensissimum sola, non nisi gratiâ armigerâ comitante, tam fortiter est infecuta, ut peccati nescia, sceleris authorem gloriosè devicerit, turpissimum orci monstrum sine labe confuderit, rabidissimam tartari Tigridem immaculata prostraverit, verbo, ut nullo sive originalis, sive actualis culpæ vulnere unquam fauciata, Domino pro illâ faciente, Matremque sibi destinatam præservante, felicissimum de infernalibus Philisthæis triumphum reportarit. Tam singulari igitur cæde superbo humani generis hosti inflictâ, gloriari Virgo Beatissima, suâ in Conceptione, ijs verbis poterat, quibus Rex quondam David suam Divino adiutorio victoriam attribuit, dicens: *In petrâ ex-* Psal. 26. v. 6.

*altavit me, & nunc exaltavit caput meum*

*super inimicos meos,* optimè in se experta, verissimum illud Sacrarum paginarum, seu potius confidentis Jonathæ testimonium: *Quia non est Domino difficile salvare, vel in multis, vel in paucis;* Sic enim difficile nullo modo fuerat Divinæ Omnipotentiae, salvare MARIAM in Conceptione suâ ab incurfu

O pec-



peccati, alijs per hæditarium Adami scelus infallibiliter incurrendi, præsertim eam ob rationem, quòd potentia infinita, Divina quoque accesserit voluntas, & summa, ex parte Divinae Matris, convenientia: hoc ipsum præclare attestante Divo nostro Anselmo, ut dignissimo quondam Angliæ Primæte, ita Conceptionis Virgineæ propugnatore vix non primario, cujus hæc sunt verba: *Planè potuit DEUS, & voluit, quod si voluit, & fecit.* Quod ipsum paulò post hiscè verbis confirmat: *Decuit, ut ea Virgo tantâ puritate niteret, quâ major sub DEO nequit intelligi.* Atque utinam quilibet nostrum eam etiam animæ puritate niteat, quæ Christianum condecet, quâ etiam deficiente, tanto dignus nomine nequit intelligi: Transire enim oportet unumquemque nostrum, Jonathæ instar, per ascensus petrarum, id est, transire habemus de mortali hac vitâ, ad alteram, non nisi per dura & aspera; cum ardua sit ad Cœlum via; hinc summâ nobis opus est fiducia, in adjutorium primariò Divinum, *si fortè* (ut Jonathas sperabat) *faciat Dominus pro nobis*, deinde in potentissimam immaculatæ DEI Genitricis protectionem, sub cujus vexillo candidissimo, difficile non erit, infernales Philisthæos, in animarum nostrarum perniciem pertinaci conamine intentos, generosè aggredi, ac superatis frequentium tentationum difficultatibus gloriosè prostertere, & debellare. Quæ victoria, ut tantò nobis contingat securius, pijsimè de Virginis Conceptione sentiamus; sic enim & ipsa piam de nobis geret sollicitudinem, delictorum nostrorum, *vel in multis, vel in paucis*, veniam à Filio impetrans, Cœlestisque gloriæ cohæredes efficiens.

\* \*  
\*

### §. 2. *Authoritas.*

S. DION IJ SIV SALEXANDRINVS, 219.  
VIRGINIS, absqVe peCCatI ori-  
gINALIS VVLnere ConCEPTæ  
strenVVs proteCtor.

1. *Nec tabernaculum ejus verum alius introiit, nec exiit, nisi solus Dominus, & signata porta Tabernaculi, & digito ejus signata est, & protegitur virtute Altissimi illud semper laudatissimum DEITabernaculum, MARIA DEI Virgo.* In Solat. 45.
2. *DEUS Matrem incorruptam à pedibus, usque ad caput, benedictam servavit.* Epist. contra Paul. Samosatē. Tom. 2. Auc. Bibl.

### §. 3. *Ratio.*

CONSILIVM à DEO, Ergo  
pVra à Labe.

220.

**G**Amaliel, Divi Pauli Magister, cum in publico consilio, de Apostolorum doctrinâ altercaretur, & mille Sophismata in eum conijcerentur, altâ voce dixit: *Sinite illos, quoniam, si est ex hominibus consilium hoc, opus dissolvetur, si verò ex DEO est, non poteritis dissolvere illud, ne fortè & DEO repugnare inveniamini.* Act. 5. v. 38. Similiter & nobis argumentari licebit: Si Sententia, asserens immaculatam Beatæ Virginis Conceptionem, falsa esset assertio, aut humanum consilium, firmisque rationibus & fundamentis destitutum, procul dubiò jam à tot fortissimis oppugnantibus acriter illam impugnare, & expugnare, totis viribus conantibus, pridem devicta, ac superata corruisset. Quia verò econtra videmus, & experimur, hanc piam sententiam, de die in diem, nova semper incrementa suscipere, tenaciùs quotidie fidelium, etiam doctissimorum, mentibus inhædere, ipsamque Ecclesiam Catholicam magis, & magis in illam propendere, non leve utique fundamentum erit, hanc non ab humano consilio, aut ingenio aliquod

ex-

de Con-  
cept. Virg  
c. 4.



excogitatum esse, sed à DEO ipso doctam fuisse.

§. 4. *Historia.*

221. VXorIs , In aqVæ, & partVs DVPLICI angVstIâ, pVra Virgo refVGIVM.

**V**Ir erat Cantuariæ in Angliâ, Virgini Beatissimæ singulariter devotus: hic Romam petiturus, ac Sacra Apostolorum Limina, cum alijs, quæ eâ in Urbe ob Sanctitatem conspicua intellexerat, devotè visitaturus, conjugem suam secum deducebat, partui proximam, & erga immaculatam Virginis Conceptionem specialiter affectam. Jamque iter non modicum exegerant, cum adveniente partûs tempore, ingens exorta Maris intemperies, omnibus extremum minabatur exitium. Hoc in periculo, ne omnia pariter subverterentur, ac in profundum miserè demergerentur, consilium nautæ inierunt, Matronam partui proximam, sicque duplici jam periculo obnoxiam, modicæ extra Navigium tabulæ imponendi, ac fluctibus committendi. Quo factò, cum ab omnibus se desertam, atque evidenti vitæ periculo expositam mulier conspiceret, in hac duplici, aquæ nimirum & partûs angustia, animum ad Deiparam erigit, refugiumque purâ in Virgine ponens, voto se obstringit, Festum Conceptionis immaculatæ, si periculum hoc præsens evaderet, devotiùs longè, ac ferventiùs celebrandi, quàm unquam antehac assuevisset. Vix votum fecerat genitrix ab omnibus derelicta, cum ecce! ad Conceptionis suæ immaculatæ recordationem, mox Virgo Beatissima visibiliter præsens astitit, ac misellam, inter procellosas Maris undas periclitantem, misericorditer ad littus deducens, è præsentissimo mortis horrore, & angustia adeò liberavit, ut nè qui-

dem infans vitâ privaretur, sed sanus in lucem prodiret: quo etiam in actu, mirandâ prorsus charitate, tamdiu obstetricis munera supplere MARIA voluit, quousque destituta omnî humano auxilio puerpera, tandem ab alijs hominibus ad Maris littus adventantibus, quantum necesse fuerat, adjuvaretur. *Bernardin. de Busti. serm. 8. de Concepr.* Ex qua Historiâ verè confirmatur illud Orosij, contestantis: *Coram DEO cognovi, & in veritate expertus sum, nullam mulierem partûs subire periculum, super quam MARIÆ gratia invocetur, & dies Conceptionis devotè celebratur.* In Epist. ad Heliod.

§. 5. *Symbolum.*


ConCepta VnDIqVe fIrMa.

222.



Hæc licet horrifonis stet Pyramis undique ventis  
Obvia, non tamen hinc undique firma cadet.  
Sic concepta quidem maculæ stetit obvia Virgo.  
Non tamen inde cadens, undique firma stetit.

*Firmabitur in illo, & non flectetur. Eccli. c. 15. v. 3.*





§. 6. *Antiquitas.*223. Iason VIInCens TaVros, &  
DraConeM.

**J**ason, Pelia, Thessalia Regis, ex fratre nepos, ab eodem in Colchidem, Asia Regionem, eâ delegatus fuit conditione, ut si Vellere potiretur aureo (cujus custodiae vigiles adstant, tum Draco horrificus, tum Tauri, fulmineos efflantes ignes) par sibi in Regno futurus esset. Eapropter, studio tantæ adipiscendæ gloriæ, non absterrentibus quibuscunque difficultatibus, ab amicis objectis, ingentem Navim, cum optimo strenuorum juvenum delectu, conscendit, atque incerto, periculisque pleno itinere, ignota diu maria pervagatus, tandem, cum suis, ad concupita Colchorum littora, ingenti cum gaudio, appulit. Porrò, quàm arduum suscipere negotium tentaret, & quanta in eo tentamine subeunda pericula: abundè ipsi à Regionis illius incolis exponebatur; nec tamen hæc Jasonem terruere, nec hilum ab ineundo cum Dracone, & Tauris certamine abstraxere: præsertim, cum filia Aetæ Regis ibidem, capta generosissimi hujus Juvenis amore, opportunum eidem sponderit auxilium, quo citrà omnem noxam, Phrixæo potiretur Vellere, & optatam reportaret de Monstris Victoriâ: Herbarum nempe quarundam fasciculum, quas incantamento affecerat, Jasoni porrexit, securissimum adversus obvia quæque pericula remedium. Hoc fultus Regiæ Virginis amuleto, adventantibus, ac ignem undique spirantibus Tauris, easdem obijciens herbas, ad eò eos demulcebat, ac edomabat, ut jugo etiam se se adjungi permiserint. Jam verò vin-

endus etiamnum Draco supererat, cristâ horribilî, linguâque trilucâ, cultos Phrixæi Velleris, ex arbore pendentis; hunc tamen Jason succo ab iisdem incantatis herbis expresso abluit, sicque ad somnum adegit, ac citrà ullam noxam, aureo potitus Vellere, domum illud Victor reportavit. *Apollon. Rhod. & Valer. flaccus.*

Gloriosa hæc Jasonis, de Tauris & Dracone, victoria in memoriam revocat Victoriâ illam gloriosissimæ Virginis Deiparæ, in suâ purissimâ Conceptione; quamvis enim horrificus Draco infernalis, & Tauri tartarei custodirent omnî modo aureum Vellus, primæ innocentia, ad arborem scientiæ boni, & mali, ab Adamo, & posteris deperditæ; obtulit tamen, sicut Jasoni Regia illa Virgo, sic Regiæ Virgini, Virginumque Regiæ MARIE, dulcissimus JESUS, ex illâ nasciturus, opportunum auxiliû, non herbarum quidem quarumcunque fasciculum, sed fasciculû myrrhæ, prævisæ nimirum Passionis, ac Crucis, quem tartareis istis monstris in primo statim instanti obijciens, gloriose vixit, aureumque Divinæ gratiæ, ac charitatis Vellus, ab Adamo & Eva ad Paradisi arborem derelictum, citrà ullam maculæ noxam, unica reportavit, sicque, suo modo, par illi in Regno, à quo missa fuerat, Regi nimirum Cœlesti, tanquam destinata Cœlorum Regina, aliquandò in Assumptione effecta est.

§. 7. *Anagramma.*ALMa DeIpara, eff Vglens Con- 224  
tagla Iræ origInALIs.*Alma, evadis contagium iræ parentum!*

Versio litteralis

*Ave Maria, gratiâ plena, Dominus tecum.*

De